


Gonja

Year 1

KABA

6

AGBARTERE NƐ
KETUMBAYASHEN
BE KAWƆRƆ



ADAŊKARE BE KAWƆRƆ NE DAŊKARE BE KEJUNKPAR (KEWURAJI)

Adaŋkareshen

KASOTOFUTI

Kaba ere bee lara efuli Ghana be ayiri be ketumbayashen nna a laŋe fobe daŋkare to be agbartere be elerkpa. Ku been che fo to ne fo pin kusone ku bee bra agbartere ne amobe atuno. Kasobii ere bee leŋ fo to nna ne fo delge ketere sa be ekpaana be kepinto n shin bunyan fo ka shi Ghana na to, kumobe adaŋkare ne ataada ne enogboŋ anyo. Kaba ere na malga kebir n woto kenimuya to (ketumbaya) be ashen nna. Kelijima na been ba laŋe ekpaana mone adaga pɔe ne bu fara kaworo, kaworo gbagba ne kumobe lalaluwe ashi fobe daŋkare ne Ghana be ngbar pɔteana kike be adaŋkare to. Feeŋ nan bii atuno mone kaworo na ko n sa kebifolbi na, mobe kanaŋ ne kade na kike. Adaga fo ka tiŋ m buwito Ghana be ngbar pɔteana be ketumbayashen be amo ne a duli abar ne amobe mbarga to.

Ta n ya fo kumuba ere be lalaluwe, feeŋ tiŋ:

- Migto agbartere be elerkpa n shin tise amo to nene.
- Malga mbifolbi be kebir n woto kenimuto (ketumbaya) be ekpaana be ashen. (pɔe ne bu fara, kaworo ne kumobe keluweto)
- Ta Ghana to be adaŋkare be ekpaana be kebir n woto kenimuto (ketumbaya) n kasar abarso n keni.

Kasobiikpra

- Agbartere bee shi kegbar ko kuto nna.
- Amo ne asotooso lempo e naa lie abar.
- A bee ŋini baasa ne baa ji amo na kanane bumo ne adaŋkare lie abar nna.
- Ketumbaya la saŋe mone mbifolbi fo kakurwe nna.

- Ketumbaya bƐ kawƆrƆ Ɛla kebir Ɛsa n wƆtƆ kachina to.
- Baa wƆrƆ ketumbayashƐj nna a sa benyen nƐ beche kike.

AGBARTERE

Atere ko wƆtƆ nna nƐ anyee ji amo nkpal anye nƐ asƆtooso lempo ko ka lie abar so. Le bƐ atere nƐ baa tere agbartere. PƆƐ nƐ fo kraŋ agbartere bƐ ashƐj, adaga fo ka pin asƆ nƐ agbar la.

ManƐ Ɛla Agbar?

Ade la agbarnyenso nko agbarcheso nna. Agbar la asƆtooso lempo nna nƐ bumo nƐ bu yerda fanƐ a kƆ Ɛleŋ ko a kuŋ bumobe ashƐjwƆrƆso ko bee bunyaŋ nko a shuŋ amo. Agbar kƆ ayoyul, bunyaŋ nƐ kebeso bƐ Ɛleŋ nna. Amo nƐ kabƆreshuŋ bƐ yerda nƐ kebesopoya Ɛ naa lie abar. A beenj tiŋ a la becheso nko benyenso. Amobe ako bƐ akeniso Ɛla Zeus, Apollo, Athena, Aphrodite, Artemis, nƐ adamta. Ashi Ghana to kabƆreshuŋ nko ngbar kama kƆ agbar mone bu yerda nna. Ghana bƐ agbar mone a gbugi bƐ ako Ɛla:

Ngbanya: SƆnyƆŋ bƐ Kipo, Chama bƐ Lansa, Busunu bƐ Gbulo, Jukuku bƐ Chembi/Lempu, Chermboe bƐ Lata, Jindeyu, Jebuni, nƐ adamta.

Nkraŋto: Dantu, Nae, SakumƆ, KƆƆle, Klote, La Kpa nƐ adamta

MbƆŋto: Kune, Tegare, Nyamaa, nƐ adamta.

NwƆŋto: Tambo, Gurigbaya, Jaagbo nƐ adamta.

Agbar mo a gbugi fobe efuliso?

Agbartere

Baa sa baasa agbartere nna nkpal kananƐ bu lar nƐ bumobe yerda so. Agbartere naa la atere mone mbuna ko, nde ko nko adaŋkare ko nawule bee ji nna nkpal kananƐ bu lie loŋ bƐ agbar na so.

Agbartere ko

Ade la agbartere bƐ akeniso ko nna ashƐ Ghanaebi to:

1. Ashi MbƆtƆ to, Anloebi nƐ bu wƆ Volta bƐ efuliso na bee shuŋ kegbar ko nƐ baa tere ‘Afa’ nƐ ku la nkpal bƐ kebir nƐ ekpalpo na la ‘BokƆ’ nƐ mobe sososo bƐ kebinyenso bee ji ‘Amuzu’.

2. Ashi Mbọŋ to, kegbar kama ne kumobe kache ne ku lie nna. Amoso bọkwe to be kache mone bu kurwe esa e naa ńini ketere mone baaŋ sa mo. ‘Adwo’ la Atania be kegbar nna loŋso ‘Adwoa’ la ketere ne baa sa eche ne bu kurwe Atania ache nna ne ‘Kwadzo’ la enyen peya.

Woro ania n tere esoso be agbartere ere n keni. Shine eninipo e keni fane fo tere amo nene aa. Fo nyi agbartere ko be akeniso fobe efuliso aa?

Agbartere be elerkpa:

Agbartere be elerkpa kor abarto n shin be baasa mone ba ji amo na be yerda ne adankare so nna. Ashi Mboto to, agbartere be elerkpa ela Yeve (bore be keponde be kegbar), Mbọŋ peya bee shi nchu be agbar to nna ne Dangme peya ko shi kakurwe be agbar to.

Fo nyi fobe ketere be elerkpa?

Kuso mone ku bee bra agbartere

Baasa bee ji agbartere nna nkpal aso damta so. Baaŋ tin ta kegbartere n sa esa ne ku baa delge kegbar na be ashun so, ne baa sa ako male nkpal kegbar na be kekpal be kapor so. Ako male been tin a la keletto mone baa nye kegbar na to, ako male woto a lara efuli na be dankare efuli nko amone a bee ńini kegbar na be kapor ne kumobe aworobi.

N naan ta n tiiso, eche ne enyen baa fin kakurwe a gben, baa yo kegbar to nna n ya kule kanye. Baa bo ntaŋ nna n shin nase kebia na kegbar na be ketere nkpal ntaŋ na so.

Agbartere be tuno

Agbartere ko tuno damta ashii anyebe abreshumpo be kebawoto to.

Atuno mone agbartere wuraana bee nye nde:

1. Kepin mananmanan. Agbartere bee cheto ne anyee pin kegbar mone esa bee shun ne kakpa ne esa shi.
2. A bee ńini kanane esa na ne kegbar na lie abar nna.
3. Agbartere la kapit e nna ne bedrapo nyeshi n sa kamantoebi ne a bee kun adankare.
4. Ku bee ńini ketere na wura mo nawurana be yerda nna.
5. Ashi ayerda ko to, bu yerda fane kebaa ji kegbartere bee sa elen, kekun ne keyoyul to be kenimu nna.

Kushun 6.1

1. Ta fo gbagba be mmalgaba n n̄inito kusone ku la kegbar.
2. Kunyonyo/ntunso to, menye e sibe Ghana be adankare tere kudu n shin tise amobe agbartere na to.
3. Ta agbartere mone fo pin fobe ngbar to na n karga fo braana mone bumoale gba bee nu fobe ngbar na peya so. Blase ne fo ta fobe atuwebi n n̄ini bebiipo kike ebiikpabu to.
4. Fo ko kegbartere fobe atere to aa? Kane fo ketere be elerkpa. Ne fo man ko kegbartere kumo ere fo sa kegbartere kama mone fo sibe (i) to na be elerkpa.

Kushun 6.2

Ta agbartere anu, amobe elerkpa ne kusone mone ku bra amo n luwe shabore ere to

	Ngbar	Kegbartere	Elerkpa	Manso
1				
2				
3				
4				
5				

Kushun 6.3

1. Sa kusone konwule mo so ne fo tama fane baasa ne kegbar bee pe jina ashi fobe efuli so.
2. Sa atunso asa ne agbartere ko n sa baasa mone baa ji amo.

KETUMBAYASHEŃ BE KAWŃRŃ

Kaba ere bee ji kebir mbifolbi n woto kenimuya to nna a laje a yo ekpaana, asowaraso mone baa woro **pae ne bu fara kaworo, kaworo gbagba ne kumobe lalaluwe ashi adankare pataana to.**

Mfara be mbishi:

FeeŃ tiŃ nyiŃ eyur so be ncherga kike ne fee wu fobe mfe kudu n yo kudu ana be kefito aa?

Mane ela ketumbaya?

SaŃe ere la kebawoto to be jimane mone kebinyensobi nko kebichesobi bee daŃ a kii enyen nko eche mone e been tiŃ kurwe. Ku la kusoto mone mbichesobi peya bee fara mfe kudu n yo mfe kudu ana to nna ne mbinyensobi male bee fara mfe kuduanyo n yo mfe kuduashe to. (ama buko peya bee kaa woro manaŃ nko a cher pae a woro)

Mbichesobi be kaporto be ncherga

Ncherga mone bu peshe mbichesobi to be ako been tiŃ a la:

- AleŃto bee buwito nna
- Abembi/abey bee daŃ a tiiso
- Afimu na bee kii kulkulbi
- Baa nye bumobe sososo be eyurpi/ntaman
- Anyipo be kegbul/kekoro
- Abaatofuibi ne ngbaga be kejoro/kekoro

Mbinyensobi be kaporto be ncherga

Mbinyensobi be ncherga mone anyeen tiŃ peshe be ako been tiŃ a la:

- Kututu ne awolbi be kedaŃ
- Abaatofuibi ne ngbaga be kekoro
- Kagbene ne abatimu be kepargato
- EblaŃnyifu be kedaŃ
- Ebol be kekii chingliŃ
- NteŃ be kedaŃeso
- Anishito be afuibi/katol be kekoro

Aso ere bee Ńini nkpa to be saŃe ne baa tere **Ketumba** nna.

Ketumbaya be kawŌrŌ

Ketumbayashen la danƙare be kebuloso nna ne baa ta esa a buloso ne ku bee ŋini mobe kelar kebia to n luri kenimuya to. Kede la kawŌrŌ nko danƙare be kesheŋwŌrŌ monɛ ku be ketere be kesa so nna a lara kebinyensobi nko kebichesobi ashi kebia to a yŋ kenimuya to.

Shabŋre 6.1 kaseto ere bee ŋini kanane Ghana be ngbarana ko bee tere ketumbayashen be kawŌrŌ na.

Ngbar	Kanane ba tere beche be ketumbayashen	Kanane ba tere benyen be ketumbayashen
Ewe	Gbŋtowŋwŋ/Tugbewŋwŋ	Tudedeasi
Krobo	Dipo	
Fante	Bragor	
Twi	Bragoro	
Akpafu	Iseyi	
Ga	Otofo/ Otsenŋtse	Plamatsemŋ/Butrumwŋwŋ/ Denŋtuwoo
Sissala	-	Baala
Vagla		Pellaa

Nuso ne ba tere ketumbayashen fobe danƙare to? Benyen ne beche kike bee bulo kumo so aa? **Manɛ ela ketumbaya be kawŌrŌ?**

Kebir n wŋtŋ la kebuloso nna ne baa ta esa a bulo a ŋini kachinato be eyilikpa be ncherga. Baan tiŋ m bir esa n wŋtŋ mamachi be ashun to, ashiri be ntun to nko kabŋreshun ko to. Ama kebir n wŋtŋ monɛ anyee bir kumobe kelijima ere la kebir kebifŋlbi n wŋtŋ kenimuya to ne baa tere ketumbayashen na nna.

Ketumbayashen be ekpaana

Nkpal adanƙare ka kŋr abarto so, ekpaana monɛ yiri kike bee buloso a wŋrŋ kawŌrŌ ere gba maan ba la kukoŋwule. Keblase monɛ baa wŋrŋ pŋe ne bu fara, kawŌrŌ gbagba ne kumobe lalaluwe ne bu delgeso kaseto ere na.

Keta Ketumbayashen N Kasar Abarso: Amo Ne A Duli Abar Nko A La Kukonwule

Beche be ketumbayashen

1. Pɔe ne ku fara

Benawuraana baan ya wu ncherga ko ashi mbifolbi cheso to, baa fara keblase ko nna.

Saŋe damta, kebichesobi na baan ya wu mobe sososo be eyurpi/ntaman, baa buloso ekpaana ere be ako nna:

- a. Sososo, baa barga mbichesobi na nna ashi bumobe nnaŋebi to ne bu bla bumo ase a jo ketumbayashen na.
- b. Kebichesobi na be baasa been kaŋe benimu na nko baasa mone baa woro kaworo na bumobe mfera.
- c. Bechenimu been kuŋ mbichesobi na n woto ebu konwule to n shin buwi bumo kenishi ta n laŋe adabi mone adaga eche mone e fo kakil ka ko ne e tiŋ n kata mobe laŋ nene.
- d. Baan ŋini bumo laŋ be kekata be ashun fanɛ kadaŋe, kafuwe, kafor, farfarbi ne adamta.
- e. Baa ŋini bumo enoto be ashun fanɛ klaŋ be kalɔ, ashembi be kaworo ne adamta na.
- f. Bu naa bii kanane baa cha n saa boŋ adankare be nshe na.
- g. Baa ŋini bumo kanane adaga bu ba kata bumobe amu keche ne kenyen be kegama be kabaso nna saŋe ne bu kaan kil.

2. Kaworo na be saŋe/gbagba

Kaworo na to, echenimu nko esa ne e bee woro kumo na bee woro bumo kaseto be aso ere nna.

E bee blase nna n shin too nchu n ta mbia na n boɔ agbar eno ne kaworo na e tiŋ yo so nene. Kachutoo na be kaman, baa ta bumo nna a bulo adankare ere so:

- a. Keyoyul to be kechonkeni fanɛ e kraa la tumba. Baa sa ne kebia na bee china kejembu nyoso so nna, a ber lor to nko kupo to, ne adamta.
- b. Esa na naa she bumobe amu nna.
- c. Mbia na bee china kabebi nko kawolbi so nna kaworo ere be saŋe.

- d. Baa sa bumo ajibi (kefule daŃeso, kujŃ mone bu puturto, ne adamta nna)
Bu ka for bumo so n luwe keyoyul to, baa bu bumo daŃkare be asŃbuuso, ashembi asŃ mietoso poteana nna.
- e. Baa tere kemaŃkura be nsher nna n sa bumo n wŃrŃ bumo ansaŃ ne keba kenimuya to.
- f. Nsher na to, ba buu yawu be asŃbuuso ne ashembi nna n lara bumobe eyurana efuli ne benyen na e wu n lara bumobe echefoso be beche bumo to.



Fig. 6.1: *Mbichesobi ka bee bulŃ keyoyul be keforso be kawŃrŃ so ashi 'Dipo' to be amfoni*

Kaseto ere la mbichesobi mone bu baŃ luwe kawŃrŃ na be amfoni nna.




Fig.6.2. *Mbichesobi ka wŃrŃ ashembi ketumbayasheŃ be kawŃrŃ na be lalaluwe be amfoni*

Kawoŋo na be kaman

- Kawoŋo na be lalaluwe, benimu pupoŋ na ne bumobe kanaŋ ne beteri been nite n kulti n churo kade na ebi.
- Kade na to ebi bee sa benimu pupoŋ na nke nna a woŋo bumo ansaŋ ne kumu lala bu ka tiŋ woŋo kawoŋo na nene. Nke na be ako been tiŋ a la amansherbi, ashembi, asobuuso, achimu ne adamta.



Fig. 6.3. Mbichesobi ka woŋo kente be awaje ketumbayashen be kawoŋo na be lalaluwe be amfoni

Keta Ketumbayashen n Kasar Abar:

Mbarga mone a wo Ghana be adaŋkareana be kawoŋo to.

Adaŋkareana na be kawoŋo mone a duli abar na be bushi, ako woŋo ne a la adaŋkare ko nawule peya ne anyeen bir amobe kelijima kaseto ere.

Mbotoo be baasa

1. Ashi kade na ne kusoo mo so ne ba woŋo kawoŋo na, kawoŋo na been tiŋ n ji fane bokwe konwule n ya fo kufol konwule.
2. Baa kuŋ bumo na n woŋo laŋ gbagba na be kaman n shin kaŋe bumo teriana ne bu ba wo bumo kuto a deŋi bumo anishi le be saŋe ere.
3. Kawoŋo na to, kefula daŋeso na be keji bee ŋini kakurwe nna.

Krobo be baasa

1. Jimanɛ nɛ bu baŋ yili Kasawule be kegbar (Nene Kloweki) be katilemu n bir kaworo na be kebomboŋ na nɛ Kroboebi bee woro ketumbayashɛŋ (Dipo) a sa mbichesobi. Mbroni be kufol nyɔsepo to nɛ ba woro kumo nɛ ku bee ji nchenu.
2. Pɔɛ nɛ kaworo na e fara, mbichesobi na bumo nawuraana bee ta bumo nna a sa bumobe kabuna be enimu mone e bee woro ‘Dipo’ na.
3. Kaworo na to, enimu na bee too nchu nna n shin woro ademansheŋ damta n sa bumo hali bumobe amu be kaseto be kashe, kechina nwol so nɛ adamta.

Nkraŋ be baasa

1. Nkraŋ bee woro Otofo nna kebichesobi na ka du fimbi nko saŋɛ kama nɛ ku ba yili fanɛ bu woro kumo.

Mboŋ be baasa

1. Kaworo na bee ji nche aburwa nna n saa fara Atania nko Atalata.
2. Pɔɛ nɛ kaworo na e fara, kade na be ewurche bee mige bumobe eyurso nɛ keyoyul to nna n keni bu kraa la atumba nko bu maŋ kɔ adampo gba.

Nuso nɛ baa woro ketumbayashɛŋ fobe danƙare mone fee bii to?

Benyɛn be ketumbayashɛŋ

Benyɛn be ketumbayashɛŋ maŋ gbugi Ghana be adaƙare to. Gberɛbi mone baa woro ela Mbɔtɔɔ be “Tudedesi”, Nsisala be “Baala”, Nkraŋ be “Plamatsemɔ/ Butrumwɔɔ/Dɛŋtuwoo” nɛ Nvagla be “Pella”. Benyɛn be ketumbayashɛŋ baŋ maŋ la nsher be keshɛŋwura ko nna. Mbɔtɔɔ to, keta malfa n sa kebinyensobi na nɛ baa tere “Tudedesi”. E ta malfa na a kuŋ mobe kanaŋ n saa ji kekpaŋ.

Ekpaana na be ako beɛŋ tiŋ a la:

1. Kebarga mbinyensobi na
2. Kebuwi bumobe anishi ta n laŋɛ kebinyenbi be kabaso, bumobe ashuŋ nɛ bumo nɛ bumobe echefoso be beche be kegama be asheŋ.
3. Keta mbia na n luri kenimuya to.
4. Kebala bumo ase eyurto nɛ ayoyul to.
5. Adaƙaresheŋ be keŋini

Kade kama nɛ kumobe kaworo nna nɛ ku bee be bumobe yiri na be ayerda so.

Ketumbayashen be tuno

1. Ku bee ŋini kelar kebiito nna n luri kenimuya to.
2. Ku bee sa esa na kenya ne ku daga nna ne e tin keta eyilikpa pupor na.
3. Ku bee shine ekama bee pin fane esa na fo kakil nna na.
4. Ku bee bla mbia na ase eyurto ne keyoyul to nna.
5. Ku bee ŋini mbichesobi ne mbinyensobi adabi lela nna kachinato.
6. Ku bee ŋini bumo efuli na be adankareshen nna.
7. Ku bee kuŋ kebawoto jaga jaga ne kebaa gama kenya ne keche por n saa kil nna.
8. Kaworo na bee shine kebichesobi bee nye kemansherbi ne e been ta a kilgito echefoso nna.

Kushun 6.4

Sibe kanane ba tere benyen ne beche be ketumbayashen fobe ngbar to n shin chige fobe ketuwebi to n sa fo katuŋ to ebi.

Kushun 6.5

1. a. Ne ntunso, menye e keni amfoniana ere nene n shin delgeso asobuuso mone bu ta n woro ketumbayashen be kaworo na. Menye e bir aso ne menyee sha ndon be kelijima.



Elerkpa: [Mybrytfmonline.com/Obed Ansah](http://Mybrytfmonline.com/Obed-Ansah) (2021)



Elerkpa: cogadfw.org as cited in Ndetei (2018).



Elerkpa: Jubtrip as cited in Ndetei (2018).

- b. Dinito asɔbuuso kike ne bu ko a wɔrɔ kawɔrɔ na be atunɔ nko kusɔne a bee ŋini.
2. Mbɔŋ be bragoro be vidiyo nde: <https://www.youtube.com/watch?v=zpTdownLmxN8>.
- a. Manɛ e na kaa wɔrɔ pɔɛ ne kawɔrɔ na e fara?
 - b. Keni ketumbayashɛŋ be vidiyo na n shine fobe lakal e ba wɔ asɔ ne baa wɔrɔ kawɔrɔ na be saŋɛ ne kumobe kaman.
 - c. Tii asheŋwɔrɔso anyɔ monɛ fo peshe vidiyo na to:
 - i. kawɔrɔ na be saŋɛ
 - ii. kawɔrɔ na be kaman
 - d. Chigeto asɔ monɛ fo peshe vidiyo na to na n sa fo braana bebiipo n shin wɔtɔ lakal ta n laŋɛ asɔ ne a duli abar ne amo ne a kor abar

to ashi Ghana be yiri ko be ketumbayashen be kawƆrƆ be kabaso so.

3. a. Bii amfoni ere nene:



Elerkpa: Olivier Asselin as cited in Ndetei (2018)

b. Ta kusone fo bii na n delge kusone ku bee wƆrƆ na so?

Kushun 6.4

Dinito aso mone a duli abar anyo ne a mone a kor abarto anyo ashi baasa ne Ghana be ayiri pote anyo be ketumbayashen be kawƆrƆ to. Ta kusone fo nye na n nini fo barkasa ebiikpa.

Kushun 6.5

Fo ka la Ngbanyato be ebiipo ere, nini ketumbayashen be kawƆrƆ na be aso asa mone feen ba sha kecherga ne amo ne feen ba sha a ba kraa woto ne maneso ne feen woto lo. Ta kusone fo nye na n nini fo barkasa ebiikpa.

NWOLCHETOPO

1. Agyekum, K. (2006). The sociolinguistic of Akan personal names. *Nordic Journal of Akan studies* 15(2) 206-235.
2. Nukuknya, G.K. (2007). *Tradition and change in Ghana: An introduction to sociology*. Ghana Universities Press.
3. Twumasi, K.D. & Adade, C. (2019). *Social studies in scope for JHS 1-3*. Kinddeh.

KEPALTO BE MBISHI

Agbartere be kepalto be mbishi

1. Sibε agbartere anu mone baasa ta n kii kanaŋ/kabuna be ketere ashi fo kanaŋ to nko kade to.
2. Sibε agbartere anu ne amobe elerkpa ashi Ngbanyato.
3. Sibε kegbarcheso kama ne fo nyi ne agbartere asa kama ne a lie kumo.
4. Sa kusɔ koŋwule mo so ne baasa been shuliso n sa kegbar n ta kumobe ketere n sa bumobe kebia ashi fobe efuli so.
5. Sa agbartere be atunɔ asa n sa baasa mone baa ji amo.

Ketumbayashen be kaworo be kepalto be mbishi

1. Ta fo gbagba be kepinto n ninito kusone ku la ketumbayashen be kaworo.
2. Sa n shin buwito ketumbayashen be atunɔ anu ashi fobe efuli so. Maneso ne a daga?
3. Ketumbayashen be kaba mone fo tama fane bu laŋe n keni kumobe ashen to? Buwi fobe ketuwebi na to.

KEPALTO BE MBISHI BE ATUWEBI

Agbartere be kepalto be mbishi be atuwebi

Kaseto ere la kepalto be mbishi na be atuwebi ko nna.

1. Agbartere be akeniso ko ela Sɔnyɔŋ be Kipo, Chama be Lansa, Busunu be Gbulo, Jukuku be Chembi/Lempo, Chermboe be Lata, Jindeyu, Jebuni

Agbartere monɛ baasa ko ta n kii kanaŋ be atere be ako nde:

Mbɔtɔ: Akakpo, Amuzu, Yewenyo, nɛ adamta

Mbɔŋ: Tano, Afram, Oti, Pra, nɛ adamta

2. Agbartere anu nɛ amobe elerkpa ashi Ghana to ela:

Ta agbartere anu nɛ amobe elerkpa n luwe shabɔre ere to.

	Kegbartere	Elerkpa	Manɛso
1	Akakpo	Ashi nkpal be kegbar nɛ baa tere ‘Afa’ na to	Ketere nɛ bu kɔ a sa Afa be kegbar na be esa be ebinyen sososo
2	Afram	Kache be kegbartere	Ketere nɛ bu kɔ a sa ebinyen nɛ bu kurwe Atalata
3	Kipo	Ashi Sɔnyɔŋ be kegbar to	Ebinyen nko ebiche nɛ bu kule Sɔnyɔŋ Kipo to.
4	Gbulo	Ashi Busunu be belejipo be kegbar to	Ebinyen nko ebiche nɛ bu kule Busunu be belejipo kutɔ.
5	Lata	Ashi Chermboe be kegbar to	Ebinyen nɛ bu kule Chermboe be kegbar to.

3. *Adwo* la Mbɔŋ be kegbarcheso tere nna.

4. **i.** Baasa nase nnɔ agbar to nna nɛ bu baa nyɛ kayurwishi kenishipre or asheŋwiɛto be saŋɛ.

- ii. NƐ bu ta bunyaŋ nƐ kanyiŋi n sa agbar na nkpal amobe ashuŋ damta mone a bee shuŋ a sa bumo so.
 - iii. NƐ bu baa kƆ keyoyul to be eleŋ.
 - iv. Ku la ku wƆrƆ nna m bulƆso nno mone bu nase agbar na kuto nna.
- 5.
- i. Agbartere bee shin nna nƐ anyee pin kegbar mone esa bee bunyaŋ.
 - ii. Agbartere kƆ adankare be achiŋ ga a cheto a kuŋ adrasheŋ mone a kƆ tunƆ n sa agbartere wƆrana.
 - iii. Agbar na nƐ baasa nƐ baa ji amobe atere na bee kƆ keyoyul to be kƆnkƆŋwule nna a bra yerda be daŋeso.
 - iv. Agbartere bee bra eleŋ, kekuŋ nƐ keyoyul to be eleŋ nna a sa baasa nƐ baa ji amo.
 - v. Kebaa ji agbartere bee bra kƆnkƆŋwule nna baasa mone baa ji amo to.
 - vi. Nkpal bedrapo ka bee yige agbartere a sa kamantoebi so, a bee kuŋ adrasheŋ nƐ adankare nna nƐ a maa foe.

KetumbayashƐj be kawƆrƆ be kepalto be mbishi be atuwebi

Kaseto ere la kepalto be mbishi na be atuwebi ko nna.

- 1.
 - i. KetumbayashƐj la daŋkare be kebulƆso nna nƐ baa ta esa a bulƆ nƐ ku bee ŋini esa be kelar kebia to n luri kenimuya to.
 - ii. KetumbayashƐj la daŋkare be kawƆrƆ mone ku bee ŋini kebichesobi nko kebinyensobi ka yili keshuŋguru nko kebrantia nna.
 - iii. KetumbayashƐj la kawƆrƆ mone ba wƆrƆ nna a bir kebichesobi nko kebinyensobi a wƆtƆ kenimuya to.
- 2. KetumbayashƐj be atunƆ ko ela:
 - i. Ku bee leŋ mbichesobi to nna nƐ baa gelge kawa be ademu mone ku bee kuŋ adampo fƆefƆe mone a beeŋ ta tƆrƆ n le bumobe kanaŋ nƐ kade lelemu na kike so.
 - ii. Ku bee shine kebichesobi na bee nye amansherbi nna a kilgi to a tiŋ a yili mobe kumu so.

iii. KawƆrƆ na bee chƐto nna a kuŋ bumobe adaŋkareshƐj nkpal mbia na ka bee bii kananƐ baa miƐto adaŋkare bƐ kamie, kalaŋ, ncha nƐ adamta so.

3. Mboŋ monƐ adaga kelaŋƐ n keni-

i. Sukuru bƐ keyƆ sa nna nƐ mbichesobi damta teŋ ketumbayashƐj bƐ kawƆrƆ ere so, loŋso bu daa wƆrƆ kumo pƆƐ nƐ mbia na bee fara sukuru bƐ keyƆ da beenj ba wale.

ii. KawƆrƆ na bƐ bejunkparpo daga nƐ bu wƆrƆ ania nna a duwƆ kumobe nche na so.

iii. Kebaa min kefulƐ daŋƐso lelemu na beenj tiŋ bra shireti. Kede daga kelaŋƐ n keni.

iv. Kebaa buwi mbichesobi na bƐ anyipo so na beenj tiŋ laŋƐ apurma bƐ alakal bumo so. Adaga bu baa buu bumobe eyurso nna nƐnƐ.

ACKNOWLEDGEMENTS



Ghana Education Service (GES)

